

明 陈全之著

蓬窗日錄

逐日錄

明·陈全之著

蓬窗日錄

上

上海書店

蓬窗日录

明·陈全之著

上海书店出版

(上海福州路401号)

经售书店上海发行所发行

上海市印刷七厂印刷

开本787×1092毫米 1/32 印张31 1/2 插页4

1985年6月第一版 1985年6月第一次印刷

印数1—2500

G53·1 定价5.50元

出版说明

《蓬窗日录》八卷，明陈全之撰。全书分「寰宇」、「世务」、「事纪」、「诗谈」四门。《四库全书总目》称本书「『世务』一门多可采，『寰宇』一门颇参《舆记》陈言，『诗谈』、『事纪』则更伤猥杂矣。『评语』比较允当。『世务』一门中为户口、水利、盐课、漕河、海运、营制、边屯、海防等各节，记述的一些有关的制度、设施和得失等，对研究明史都有一定的参考价值。

本书内容较杂，作者因称「自资考阅，略比稗史」。但全书保存了不少明代政治、经济、文化等方面的历史资料。原书为嘉靖刊本，极为希见。

上海书店 一九八五年六月

蓬窓日錄序

津南陳公叅晉藩之明年政既成乃
出其所著蓬窓日錄者視諸太原吳
侯侯請而刻諸祁乃問序于後菴朱
氏朱氏讀之罔不章章稱快也曰錄
也為世道計也其可傳也夫錄凡為
目者四雖述作罔專細大不擇要其
指于治理為詳茲不他論論治序曰

稽諸往諫君臣道合必敷奏以考功
擬議以盡變計定而往善也百計而
百全善之善也故立功立言哲人尚
焉然士絀于時者每每十五此其故
何哉嗟難言矣非獨世之過也亦夫
人之不善用世焉爾是故負士名者
亡治具亡功有具矣而弗遇亡功具
而遇矣不善用與用而不終者亦竟

亡功嗚呼此古之治日所以常少也
當今

聖神御宇乂道蒸蒸海內稱極治矣百
司受成安所裨益然少有計畫以聽
采擇者不過曰國勢曰士風曰紀綱
曰宗藩曰士馬曰食貨曰南之倭北
之胡與時低昂大都止于此矣茲錄
有不備乎又皆本天時括地勢推人

情物理以盡其變雖九州異宜諳若
指掌蓋說治莫辯乎錄矣故曰錄也
為世道計也即古人奚讓焉是故通
達類賈傳知幾守正類陸敬輿雖辨
別利病又巽言而有矜心即杜牧氏
不逮也夫杜言誠中然激亢難投卒
其說廢格矣洛陽竒才而不售或有
不當帝心者乎未必絳灌諸言之易

也唯陸為王佐亡論今陳公負偉望
且習熟當世之故若此行將服大政
以奉

明主則振聲一代者豈後陸宣哉吾且
撰王褒之頌矣然非謾也吾嘗反復
錄中語唯陳公獨持存省正論又指
評諸儒不爽至于論文雖獻吉諸人
亦當首肯信匪通儒不能也余言豈

謾哉然陳公語又曰人臣當顧養忠厚保合太和乃其指益要眇矣仁愛恢恢殆長者以善養人術不在多也余竊心慕焉或問錄以詩終蓋溫柔敦厚二南所以獨盛也今顧求治于性情乃益信陳公長者必有深念也後菴氏曰余晚得耻菴先生遺事而知陳錄之所由來矣夫大河東下且

遍域中然履九派者慕崑崙珠淵玉
璞有自哉是故君子論世也

嘉靖四十四年乙丑秋七月朔日

賜進士出身吏科給事中山西朱繪序

蓬窓日錄卷之一

寰宇一

九州

山脉

水源

北畿

南隸

淮南重鎮附

山東

山西

陝西

河南

浙江

江西

湖廣

四川

福建

廣東

廣西

雲南

貴州

諸夷

蓬窓日錄卷之一

周禮職方氏掌天下之圖以掌天下之地辨其邦國都鄙四夷八蠻七閩九貉五狄六狄之人民與其財用九穀六畜之數要周知其利害乃辨九州之國使同貫利

東南曰揚州其山鎮曰會稽

在今浙江會稽縣

其澤藪曰具區其

川三江其浸五湖其利金錫竹箭其民二男五女其畜宜鳥獸其穀宜稻

正南曰荊州其山鎮曰衡山

在今湖廣衡山縣

其澤藪曰雲夢其川

江漢其浸潁湛其利丹銀蔭革其民一男二女其畜宜鳥獸其穀宜稻

河南曰豫州其山鎮曰華山

在今陝西華陰縣

其澤藪曰圃田其川

滎洛其浸波澦其利林潦絲枲其民二男三女其

畜宜六擾其穀宜五種

正東曰青州其山鎮曰沂山

在今山東臨朐縣

其澤藪曰望清其川

淮泗其浸沂沐其利蒲魚其民二男二女其畜宜

鷄狗其穀宜稻麥

河東曰兗州其山鎮曰岱山

即泰山在今泰安州

其澤藪曰大野其

川河涕其浸盧維其利蒲魚其民二男三女其畜

宜六擾其穀宜四種

正西曰雍州其山鎮曰嶽山

即吳嶽在今陝西隴川

其澤藪曰弦蒲

其川涇汭其浸渭洛其利玉石其民三男二女其